

Johannem de Ancona advocatum et Guilielmum de Amigdelea nec ibi aliqua fuerit iuris sollemnitas observata et quod evidenter fuerint suspecte, reputantes eas frivolas et inanes.

Lata et recitata est hec pronuntiatio, quam in premissorum testimonium prefatus dominus patriarcha iussit et fecit sigilli sui appensione muniri in civitate Accon, in camera videlicet prefati domini patriarche. Sub anno incarnationis domini millesimo ducentesimo septuagesimo tercio, indictione prima, mense Junii, die vicesima secunda, pontificatus domini Gregorii pape decimi anno secundo.

Et ego Bartholomeus de Paganell de Firmo, imperiali auctoritate notarius publicus et nunc notarius curie predicti domini patriarche, predictae pronuntiationi interfui et eam de ipsius domini patriarche mandato in publicam formam redegei et consueto meo signo signavi.

Venedig. Archivio di Stato. Dipl. misc. XV, n. 454.

8.

1274. August 2. Agnes von Scandelion verpfändet ihre Güter und insbesondere das Casale Acref dem Deutschen Orden für die von demselben übernommene Bürgschaft für von ihr geliebene 2000 Byzantier.

In nomine dei. Amen. Per presens publicum instrumentum pateat universis, quod nobilis domina Agnes de Scandelion confessa est et recognovit ad instanciam fratris Johannis de Saxo thesaurarii domus Allamanorum in presencia mei notarii publici et testium infrascriptorum dictum fratrem Johannem thesaurarium et ipsam dominam fideiussisse et obligasse se et bona ipsius domus Allamanorum pro ipsa domina Helye Iudeo et heredibus suis in quantitate duorum milium bisanciorum et accesionum, quos mutuo dicta domina recepit a dicto Iudeo, et in pena et in dampnis et expensis prout in quodam publico instrumento manu mei Johannis notarii infrascripti plenius continetur. Que dicta domina sollempni stipulatione interveniente promisit et convenit per se et per heredes suos supradicto fratri Johanni thesaurario dicte domus Allamanorum recipienti pro dicta domo conservare ipsum thesaurarium et dictam domum Allamanorum et bona dicte domus indempnes sive indempna de supradicta fideiussione et obligatione et liberare et extrahere eum et dictam domum de dictis fideiussione et obligatione de inde ad unum annum, postquam fuerit dicta domina requisita vel heredes eius et de omnibus et singulis supradictis satisfaciendo eidem thesaurario vel alii pro dicta domo habenti ius petendi, stando simplici verbo dicti thesaurarii vel alius, qui peteret pro dicta domo, sine alia probatione et taxatione iudicis de omnibus dampnis et expensis et interesse, quae et quas dicta domus incurrerit vel sustineret pro dicta fideiussione et obligatione infra annum supradictum sub pena dupli dicte quantitatis, et pena tociens comittatur et exigatur, quociens